

Sondge

Asstâ lé, lèz eûye euvoué su lo monde
À s'lassâ la pé pâ l'ouvra amitâ,
Dvan d'beuklyî dâ la sonne que m'apougne,
Soû-yo dâ on sondge, ivoué l'è sta vèrtâ?
On chofye d'air m'vin à l'èrlia tchantâ
Ana se duça mélodie que m'n écha s'â va lavi.
Tot mon chabré patchoque dâ lè niolè âtre kyértâ et la sâre né.
Trovâ mon tchmin dâ stu nébye d'ana via à la couète,
N'è ra tchoûsa âsia, oyî la chuvèta o lo mouaile?
Seûdre l'âve o l'âma seu? Seûdre l'avièta o la venèta?
Me vécti à la frontîra, dvan d'mè on monde qu'y n'kniosso pa.
Et cma tot caïñq qu'no n'ain ra avzî, l'idéye d'li pouati à l'avantura,
Me pouédre, m'fot ana dégueuye d'adret, y bouéto mè tchaussè de trîmbye!
Me vlé raide cma on tchâno dâ l'orval, que s'acrotche à sa terra, sûr d'sè racènè.
Ana détraquéye s'fâ à l'oyî, ana rise, sla dèz èrbè qu'fan la rêvrance dvan l'ouvra corsia.
Ora qu'pieu ra n'me rtin, tot mon couô ganguëye,
Cma dréyî dâ l'liagot qu'a lassâ l'darî care.
M'n esprit è anondret prêt d's'avolâ, d'se méchâ dâ l'univoué.
On nové chôfye vin trubyâ lo mru de pieudge, mon vsédge daïnse s'â va lavi.

Joël Rilliot 3.12.2012.